

Joriy yilning 26-may va 30-may kunlari Favqulodda vaziyatlar vazirligi Akademiyasi Tillar kafedrasida boshlig'i Imvb., podpolkovnik M.Badalbayeva rahbarligida Akademiyaning bir guruh kursantlari O'zbekiston Respublikasi Qurolli kuchlari Akademiyasi va Chirchiq oliy tank qo'mondonlik muhandislik bilim yurtlarida o'tkazilgan harbiy sohada chet tillarni o'qitishning va o'rganishning dolzarb muammolariga bag'ishlangan ilmiy-amaliy anjumanlarda o'z taqdimotlari bilan faol ishtirok etdilar. Mazkur anjumanlarda 12 ta davlatlarning harbiy soha mutaxassis vakillari, respublikamizning turli harbiy hamda boshqa tashkilotlar va oliy ta'lim muassasalari yetakchi tilshunoslari qatnashdilar. Anjumanlar o'tkazilishidan maqsad, hozirgi kunda xorijiy tillarni turli sohalarida o'qitishda eng so'nggi fan-texnika yutuqlarini, pedtexnologiyalarni joriy qilinishi, xorijiy tillarni o'qitish va o'rganishdagi kamchilik va muammolarni muhokama qilish bo'ldi. Anjumanlar doirasida so'zga chiqqan ma'ruzachilar harbiy soha mutaxassislarini tayyorlashda, ularni kasbiy yo'naltirishda, aynan, xorijiy tillarni o'qitish va o'rgatish jarayonlarida yuzaga kelayotgan ayrim dolzarb muammolar yuzasidan fikr-mulohazalarini bo'lishdilar. Jumladan, nofilologik oliy o'quv yurtlarida ishlash jarayonlarida turli fanlarning mazmuniga e'tiborli bo'lish va kasbiy xorijiy tillarni o'qitish jarayonida ushbu mutaxassislik fan majmualarida aks etgan fanlarning bog'liqligini hisobga olish, tillarni professional muloqot bilan shug'ullanadigan mutaxassislarning tadqiqot izlanish natijalariga tayanib o'rgatish, bo'lg'usi yosh kadrlarning gaplarni grammatik tuzilishi jihatidan to'g'ri ifoda etishlari uchun hamda ularning so'z boyligini oshirishda zarur kasbiy so'zlar va atamalar bilan doimiy ishlashlari lozimligi haqida fikrlar yuritildi. Ma'ruzachilar tomonidan barcha kamchiliklar va muammolar yechimi yuzasidan bildirilgan takliflarni anjumanlar doirasida chop ettirilishi rejalashtirilgan to'plamlarga kiritilishi to'g'risida kelishib olindi. Anjumanlar yakunida tashkilotchi oliy ta'lim muassasalari rahbariyati tomonidan ma'ruzachilarga tashakkurnomalar va esdalik sovg'alari topshirildi. Bahs-munozaralarga boy tarzda o'tkazilgan ushbu ilmiy-amaliy anjumanlar ko'pchilik ishtirokchilarda chuqur taassurot qoldirdi. Ayniqsa, Favqulodda vaziyatlar vazirligi Akademiyasi kursantlarining tilshunos olim va mutaxassislar qatorida o'zgacha taqdimotlari bilan chiqishlari anjuman qatnashchilarida katta qiziqish uyg'otib, barchaning e'tiboriga tushdi. Bunday anjumanlar, seminar va davra suhbatlarida yosh kursantlarning ham munosib ishtiroki doimo yuksak e'tiroflarlarga sazovar bo'lib, ko'pchilik tashkilotchilar va tashrif buyurgan boshqa ta'lim muassasalari ishtirokchi vakillari tomonidan ijobiy baholanayotgani quvonarli. Prezidentimizning yoshlar ta'lim va tarbiyasiga davlat siyosati darajasida jiddiy e'tibor qaratish maqsadida ishlab chiqilgan besh tashabbusi doirasida belgilab berilgan vazifalarni amalga oshirish bilan bog'liq 2023-yilni bejizga "Insonga e'tibor va sifatli ta'lim yili" deb e'lon qilmagani, buning zahirida har bir soha mutaxassisini tayyorlashda rivojlangan davlatlar qatorida O'zbekistonda ham ta'lim sifatini yuqori bosqichga olib chiqish, sohaning yetuk va professional kadrlarini tayyorlash jarayonlarida esa, eng avvalo, ta'lim-tarbiya masalalariga jiddiy e'tibor qaratib, pedagoglarimizning kasbiy mahoratini talab darajasida oshirib borish ishlarini yanada samarali yo'lga qo'yish imkoniyatini bermoqda.

O'zbekiston Respublikasi FVV Akademiyasi Matbuot xizmati

